

## **CENTAR ZA REHABILITACIJU OVISNIKA O PSIHOAKTIVNIM SUPSTANCAMA**

Broj : 01-03-86/15

Datum : 26.02.2015.godine

Na osnovu člana 27 Uredbe sa zakonskom snagom o ustanovama u BiH (Sl.list R BiH 6/92, 8/93 i 13/94) i na osnovu člana 20 Pravila Centra za rehabilitaciju ovisnika o psihoaktivnim supstancama, Upravni odbor Centra za rehabilitaciju ovisnika o psihoaktivnim supstancama, na sjednici održanoj 26.02.2015. godine, usvaja:

### **PRAVILA JU CENTRA ZA REHABILITACIJU OVISNIKA O PSIHOAKTIVNIM SUPSTANCAMA**

#### **I OSNOVNE ODREDBE**

##### **Član 1.**

Pravila Javne ustanove Centar za rehabilitaciju ovisnika o psihoaktivnim supstancama ( u daljem tekstu : Ustanova ) sadrže odredbe o:

- nazivu i sjedištu,
- osnivačima,
- obavezama ustanove prema osnivačima,
- djelatnosti ustanove,
- načinu i uslovima obavljanja djelatnosti,
- općim aktima i načinu njihova donošenja,
- načinu raspoređivanja sredstava za rad,
- imenovanju i razrješenju direktora,
- drugim organima, njihovim pravima, obavezama i odgovornostima, uslovima i načinu njihova izbora i razrješenja,
- drugim pitanjima značajnim za rad ustanove i ostvarivanju prava i obaveza zaposlenih u skladu sa Zakonom i drugim propisima.

##### **Član 2.**

Javna ustanova Centar za rehabilitaciju ovisnika o psihoaktivnim supstancama osnovana je od strane Sabora Islamske Zajednice u Bosni i Hercegovini i Skupštine Tuzlanskog kantona i ima svojstvo pravne osobe.

#### **II NAZIV I SJEDIŠTE USTANOVE**

##### **Član 3.**

Naziv ustanove je : **JAVNA USTANOVACENTAR ZA REHABILITACIJU OVISNIKA O  
PSIHOAKTIVNIM SUPSTANCAMA**

Skraćeni naziv je : **JU CROPS**

##### **Član 4.**

Sjedište ustanove: **Smoluća bb , Lukavac 75300**

### III OSNIVAČI USTANOVE

#### **Član 5.**

Suosnivači ustanove su :

- Sabor Islamske zajednice u Bosni i Hercegovini i
- Skupština Tuzlanskog kantona.

### OSNIVAČKI ULOZI

#### **Član 6.**

Osnovni kapital ustanove iznosi **2.000,00 KM** (dvijehiljadekonvertibilnihmaraka) , od čega su pojedinačni ulozi suosnivača :

1. Sabor Islamske zajednice u Bosni i Hercegovini - **1.900,00 KM** (hiljadudevetstotina konvertibilnihmaraka) , a
2. Skupština Tuzlanskog kantona - **100,00 KM** (stotinukonvertibilnihmaraka).

### IV OBAVEZE USTANOVE PREMA SUOSNIVAČIMA

#### **Član 7.**

Ustanova ima obaveze prema suosnivačima ustanovljene Uredbom sa zakonskom snagom o ustanovama, Zakonom o preuzimanju dijela osnivačkih prava i obaveza nad Centrom za rehabilitaciju ovisnika o psihoaktivnim supstancama (Sl.novine TK broj : 9/12) , Ugovorom o međusobnim pravima, obavezama i odgovornostima suosnivača Javne ustanove Centar za rehabilitaciju ovisnika o psihoaktivnim supstancama od 31.12.2012. godine, drugim propisima i aktima Osnivača i ovim Pravilima.

### V ZASTUPANJE I PREDSTAVLJANJE

#### **Član 8.**

Ustanovu zastupa i predstavlja direktor.

U određenim poslovima, na osnovu odluke Upravnog odbora , Ustanovu može predstavljati i predsjednik Upravnog odbora.

#### **Član 9.**

U poslovima zastupanja, direktor može ovlastiti određenu osobu da zastupa Ustanovu u određenom poslu u skladu sa važećim propisima o zastupanju.

### VI PEČAT USTANOVE

#### **Član 10.**

Ustanova ima pečat okruglog oblika , prečnika 50 mm sa tekstem:

„JI Centar za rehabilitaciju ovisnika o psihoaktivnim supstancama“, sve ispisano u koncentričnim krugovima latiničnim i ćiriličnim pismom.

Ustanova može imati i mali pečat prečnika 25 mm istog oblika i sadržaja kao i pečat iz stava 1. ovog člana.

Štambij Ustanove je pravougaonog oblika dimenzija 90 x 45 mm sa punim nazivom ustanove i crticama za upisivanje broja i datuma.



## **VII DJELATNOSTI USTANOVE**

### **Član 11.**

Javna ustanova Centar za rehabilitaciju ovisnika o psihoaktivnim supstancama obavlja sljedeće djelatnosti:

- 01.11 Uzgoj žitarica (osim riže), mahunarki i sjemena uljarica
- 01.13 Uzgoj povrća, dinja i lubenica, korjenastog i gomoljastog povrća
- 01.19 Uzgoj ostalih jednogodišnjih usjeva
- 01.24 Uzgoj jezgričavog i koštuničavog voća
- 01.25 Uzgoj bobičastog, orašastog i ostalog voća
- 01.26 Uzgoj plodova uljarica
- 01.28 Uzgoj bilja za upotrebu u farmaciji, aromatskog, začinskog i ljekovitog bilja
- 01.29 Uzgoj ostalih višegodišnjih usjeva
- 01.30 Uzgoj sadnog materijala i ukrasnog bilja
- 01.41 Uzgoj muznih krava
- 01.42 Uzgoj ostalih goveda i bivola
- 01.47 Uzgoj peradi
- 01.49 Uzgoj ostalih životinja
- 01.50 Mješovita poljoprivredna proizvodnja (biljna i stočna proizvodnja)
- 01.61 Pomoćne djelatnosti za uzgoj usjeva
- 01.63 Djelatnosti koje se obavljaju nakon žetve/berbe poljoprivrednih proizvoda (priprema za primarna tržišta)
- 01.64 Dorada sjemena za sjemenski materijal
- 02.10 Uzgoj šuma i ostale djelatnosti u šumarstvu
- 02.30 Sakupljanje nekultiviranih šumskih plodova i proizvoda, osim šumskih sortimenata
- 10.39 Ostala prerada i konzerviranje voća i povrća
- 10.41 Proizvodnja ulja i masti
- 32.99 Ostala prerađivačka industrija, d.n.
- 46.21 Trgovina na veliko žitaricama, sirovim duhanom, sjemenjem i hranom za životinje
- 46.23 Trgovina na veliko živim životinjama
- 46.31 Trgovina na veliko voćem i povrćem
- 46.33 Trgovina na veliko mlijekom, mliječnim proizvodima, jajima, jestivim uljima i mastima
- 47.11 Trgovina na malo u nespecijaliziranim prodavnicama pretežno hranom, pićima i duhanskim proizvodima
- 47.19 Ostala trgovina na malo u nespecijaliziranim prodavnicama
- 47.21 Trgovina na malo voćem i povrćem u specijaliziranim prodavnicama
- 47.22 Trgovina na malo mesom i mesnim proizvodima u specijaliziranim prodavnicama
- 47.29 Ostala trgovina na malo prehrambenim proizvodima u specijaliziranim prodavnicama
- 47.61 Trgovina na malo knjigama u specijaliziranim prodavnicama
- 47.62 Trgovina na malo novinama, papirnom robom i pišaćim priborom u specijaliziranim prodavnicama
- 58.11 Izdavanje knjiga
- 58.14 Izdavanje časopisa i periodičnih publikacija
- 87.20 Djelatnosti u ustanovama sa smještajem za osobe s teškoćama u razvoju, duševno bolesne i osobe ovisne o alkoholu, drogama ili drugim opojnim sredstvima s uključenim određenim stepenom zdravstvene njege
- 87.90 Ostale djelatnosti socijalne zaštite u ustanovama sa smještajem
- 88.10 Djelatnosti socijalne zaštite bez smještaja za starije osobe i osobe s invaliditetom
- 88.99 Ostale djelatnosti socijalne zaštite bez smještaja, d.n.
- 96.04 Djelatnosti za njegu i održavanje tijela

#### **Član 12.**

Ustanova može bez upisa u sudski registar vršiti i druge djelatnosti u manjem obimu koje služe djelatnosti koja je upisana u Sudski registar i koja se uobičajeno vrši uz te djelatnosti u manjem obimu ili povremeno ili koje doprinose potpunijem iskorištavanju kapaciteta i materijala koji se upotrebljava za vršenje upisane djelatnosti.

Ustanova se ne može baviti djelatnostima koje su u suprotnosti sa islamskim propisima.

#### **Član 13.**

Ustanova može da dopuni, proširi ili promijeni svoju djelatnost.

O promjeni djelatnosti donosi se odluka na način i u postupku propisanom za njeno donošenje.

### **VIII ODGOVORNOST ZA OBAVEZE U PRAVNOM PROMETU**

#### **Član 14.**

Ustanova je odgovorna za svoje obaveze sredstvima kojim raspolaže.

### **IX IMOVINA I SREDSTVA**

#### **Član 15.**

Vlasništvo nad imovinom Ustanove evidentirano sa 31.12.2012.godine ostaje nepromijenjeno, a nakon tog datuma imovina koju suosnivači unesu u Ustanovu bit će vlasništvo suosnivača koji je tu imovinu unio u Ustanovu, ukoliko se drugačije ne reguliše.

#### **Član 16.**

Ustanova stiče sredstva izvršavanjem svoje djelatnosti, koju finansiraju suosnivači na način kao u članu 4. Ugovora o međusobnim pravima, obavezama i odgovornostima suosnivača Javne ustanove Centar za rehabilitaciju ovisnika o psihoaktivnim supstancama od 31.12.2012. godine.

#### **Član 17.**

Višak prihoda nad rashodima koristi se za razvoj djelatnosti, uz saglasnost suosnivača.

#### **Član 18.**

Gubitak u poslovanju nastao iz objektivnih razloga pokrivaju suosnivači.

### **X ORGAN UPRAVLJANJA, RUKOVOĐENJA I DRUGI ORGANI U USTANOVU**

#### **Član 19.**

Organ upravljanja u Ustanovi je Upravni odbor, a rukovođenja je direktor.

#### **1. UPRAVNI ODBOR**

#### **Član 20.**

Upravni odbor ima 3 člana.

Dva člana Upravnog odbora imenuje i razrješava osnivač - Sabor Islamske zajednice u BiH, od kojih je jedan predsjednik Upravnog odbora, a jedan od tih članova mora biti iz reda stručnih radnika zaposlenih u Ustanovi. Drugi osnivač- Vlada Tuzlanskog Kantona imenuje i razrješava trećeg člana Upravnog odbora u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine (Sl.novine FBiB br.12/03 i 34/03).

U slučaju kada jedna ili obje strane ne imenuju svoje predstavnike u Upravni odbor do kraja mandata članova aktuelnog Upravnog odbora, radi obezbjeđenja funkcionisanja Upravnog odbora, imenuje se privremeni Upravni odbor, koji će obavljati dužnost do konstituisanja novog Upravnog odbora, a najduže dva mjeseca.



Ukoliko se Upravni odbor ne uspije konsultirati do isteka mandata privremenog Upravnog odbora, mandat privremenog Upravnog odbora se može produžiti najduže još dva mjeseca. Mandat članova Upravnog odbora je jedinstven i počinje teći od dana konstituisanja Upravnog odbora.

Predsjednik i članovi Upravnog odbora imenuju se na period od četiri godine, a po isteku tog perioda mogu biti ponovo imenovani.

Direktor Ustanove ne može biti član Upravnog odbora.

#### **Član 21.**

Osnivači mogu razriješiti predsjednika i člana Upravnog odbora prije isteka mandata ako utvrde njihovu odgovornost za neuspješan ili nezakonit rad, zatim na njihov zahtjev i u drugim slučajevima utvrđenim važećim propisima.

#### **Član 22.**

Upravni odbor:

- donosi Pravila ustanove,
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi sva opća akta ustanove,
- odlučuje o svim pitanjima obavljanja djelatnosti radi kojih je Ustanova osnovana ako zakonom ili ugovorom nije određeno da o određenim pitanjima odlučuju suosnivači,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- odgovara osnivaču za rezultate rada Ustanove,
- odlučuje o prigovoru zaposlenika ustanove na rješenje kojim je drugi organ odlučio o pravu, obavezi i odgovornosti iz radnog odnosa,
- podnosi osnivaču najmanje jedanput godišnje izvještaj o poslovanju Ustanove,
- vrši druge poslove u skladu sa Zakonom i Pravilima Ustanove.

#### **Član 23.**

Upravni odbor donosi odluke većinom glasova svih članova ako Zakonom ili Pravilima za odlučivanje u pojedinim pitanjima nije određena druga kvalifikovana većina.

Sjednicu Upravnog odbora saziva predsjednik.

Predsjednika Upravnog odbora može zamijeniti član kojeg on odredi, a koji saziva i rukovodi sjednicom.

## **2. DIREKTOR**

#### **Član 24**

Ustanovom rukovodi direktor, a imenuje ga i razrješava dužnosti Upravni odbor na osnovu konkursa u skladu sa članom 6. Ugovora o međusobnim pravima, obavezama i odgovornostima suosnivača Javne ustanove Centar za rehabilitaciju ovisnika o psihoaktivnim supstancama od 31.12.2012. godine, to jeste postupak imenovanja provodi se po odredbama Zakona o ustanovama (Sl.list RBiH br.6/92, 8/93 i 13/94), a uz prethodno pribavljenu saglasnost osnivača Ustanove, odnosno Vlade Tuzlanskog kantona i Rijasetu Islamske Zajednice u BiH.

Za direktora Ustanove može biti imenovana osoba koja pored zakonom propisanih općih uvjeta, ispunjava i slijedeće:

- da ima najmanje visoku stručnu spremu,
- da ima najmanje tri godine radnog iskustva na rukovodećim poslovima,
- da posjeduje organizatorske sposobnosti
- da ne postoji zakonska zabrana za imenovanje na funkciju rukovođenja.

#### **Član 25.**

Mandat direktora traje četiri godine, a po isteku mandata može biti ponovo imenovan.

#### **Član 26.**

Direktor organizuje i rukovodi radom, zastupa i predstavlja Ustanovu i odgovoran je za zakonitost rada Ustanove.

U ostvarivanju rukovođenja Ustanovom, direktor predlaže Upravnom odboru mjere za efikasno i zakonito obavljanje djelatnosti radi kojih je Ustanova osnovana, unutrašnju organizaciju i sistematizaciju poslova i osnove planova rada i razvoja, izvršava odluke Upravnog odbora, odlučuje o pravima, obavezama i odgovornostima zaposlenih iz radnog odnosa, podnosi Upravnom odboru izvještaj o finansijskom poslovanju i vrši druge poslove u skladu sa Zakonom i ovim Pravilima.

Direktor je dužan da obustavi od izvršenja opšti akt koji je u suprotnosti sa zakonom, kao i pojedinačni akt kojim se nanosi šteta Ustanovi i da o tome obavijesti organ upravljanja.

#### **Član 27.**

Direktor je samostalan u svom radu, a odgovoran Upravnom odboru.

Direktor učestvuje u radu Upravnog odbora bez prava odlučivanja.

#### **Član 28.**

Upravni odbor može razriješiti direktora i prije isteka roka na koji je imenovan, i to:

- ako utvrdi da je direktor odgovoran za neuspješan i nezakonit rad Ustanove,
- u slučaju da suosnivači ne usvoje izvještaj o radu sa izvještajem o finansijskom poslovanju Ustanove ako se utvrdi da je do neusvajanja istog došlo usljed nesavjesnog ili nezakonitog rada direktora,
- ako se utvrdi da u svom radu krši propise ili opće akte Ustanove ili ne izvršava zakonite odluke Skupštine Tuzlanskog kantona, Vlade Tuzlanskog kantona, Rijaseta Islamske zajednice u BiH i Upravnog odbora ili postupa u suprotnosti sa njima,
- ako svojim nesavjesnim radom prouzrokuje Ustanovi veću štetu, zanemaruje ili nemarno obavlja svoju dužnost, zbog čega je nastao ili bi mogao nastati poremećaj u obavljanju djelatnosti Ustanove,
- na lični zahtjev,
- u drugim slučajevima utvrđenim zakonom i Pravilima.

U slučaju razrješenja direktora prije isteka mandata za koji je imenovan, Upravni odbor će raspisati konkurs za imenovanje novog direktora u roku od 30 dana od dana imenovanja vršioca dužnosti direktora.

Prijedlog za prijevremeno razrješenje direktora navedenog u stavu 1. ovog člana alineje 1,2,3,4 i 6. može dati svaki suosnivač posebno, kao i predsjednik, odnosno član Upravnog odbora.

#### **Član 29.**

Direktora u njegovoj odsutnosti zamjenjuje osoba koju on odredi, a koja ima sva ovlašćenja koja ima direktor.

### **3. KOMISIJE**

#### **Član 30.**

Upravni odbor i direktor svojim odlukama mogu obrazovati stalne i povremene komisije. Odlukama se utvrđuje način izbora, sastav i zadatak komisije.

### **XI OPĆI AKTI**

#### **Član 31.**

Opći akti Ustanove su:

- Pravila,
- Pravilnik o unutrašnjoj organizaciji i sistematizaciji,



- Pravilnik o radu,
- Pravilnik o zaštiti na radu,
- Pravilnik o zaštiti od požara,
- Pravilnik o Kućnom redu ,
- Pravilnik o disciplinskim mjerama .
- Pravilnik o platama i drugim ličnim primanjima uposlenika JU CROPS.

Javna ustanova Centar za rehabilitaciju ovisnika o psihoaktivnim supstancama može imati i druge opće akte.

#### Član 32.

Pravila i druge opće akte donosi Upravni odbor većinom glasova svih članova.

#### Član 33.

Osnivači daju saglasnost na Pravila Javne ustanove Centar za rehabilitaciju ovisnika o psihoaktivnim supstancama.

#### Član 34.

Nacrte općih akata utvrđuje direktor Ustanove, ukoliko važećim zakonskim propisima nije drugačije određeno.

### VII PRELAZNE I ZAVRŠNE ODREDBE

#### Član 35.

Tumačenje Pravila i drugih općih akata daje Upravni odbor.

#### Član 36.

U roku od 30 dana od dana usvajanja ovih pravila, Upravni odbor je dužan donijeti sve opće akte.

#### Član 37.

Izmjene i dopune pravila vrše se u postupku kao i za njihovo donošenje.

### VIII ZAVRŠNE ODREDBE

#### Član 38.

Usvojeni Prijedlog Pravila direktor Centra će dostaviti osnivaču na davanje saglasnosti. Po dobijanju saglasnosti osnivača, predsjednik Upravnog odbora će zakazati novu sjednicu Upravnog odbora na kojoj će, u prisustvu notara, biti usvojena Pravila Centra.



**PREDSJEDNIK UO**

*[Handwritten signature]*